

UDHËZIM
Nr. 57, datë 4.12.2014

**PËR PROCEDURAT E PRANIMIT DHE
REGJISTRIMIT NË PROGRAMET E
SPECIALIZIMEVE AFATGJATA, NË
FUSHËN E MJEKËSISË, NË
UNIVERSITETIN E MJEKËSISË,
TIRANË, PËR VITIN AKADEMIK 2014-
2015**

Në mbështetje të nenit 102 të Kushtetutës, neneve 5, 26, 27, 34 dhe 35, të ligjit nr. 9741, datë 21.5.2007, “Për arsimin e lartë në Republikën e Shqipërisë”, i ndryshuar; vendimin nr. 763, datë 12.11.2014, të Këshillit të Ministrave “Për kuotat e pranimi dhe tarifat e shkollimit, në programet e specializimeve afatgjata, të ciklit të tretë të studimeve, në fushën e mjekësisë, për vitin akademik 2014-2015”, dhe vendimin nr. 1013, datë 10.12.2010, të Këshillit të Ministrave, “Për krijimin e Agjencisë Kombëtare të Provimeve (AKP)”,

UDHËZOJ:

1. Kandidatët, shtetas shqiptarë, brenda vendit, dhe kandidatët me kombësi shqiptare nga trojet shqiptare jashtë kufijve të vendit, aplikojnë për një program specializues afatgjatë në fushën e mjekësisë, në Universitetin e Mjekësisë, Tiranë (UMT), në vitin akademik 2014-2015, respektivisht, në zbatim të germave “a” dhe “b”, të pikës 1, të vendimit nr. 763, datë 12.11.2014, të Këshillit të Ministrave “Për kuotat e pranimi dhe tarifat e shkollimit, në programet e specializimeve afatgjata, të ciklit të tretë të studimeve, në fushën e mjekësisë, për vitin akademik 2014-2015”, nga data 5 dhjetor 2014 deri më datë 12 dhjetor 2014. Procedurat e aplikimit, përzgjedhjes dhe konkurrimit bëhen konform rregullores së specializimeve afatgjata në fushën e mjekësisë, të miratuar nga ministri përgjegjës për çështjet e shëndetësisë dhe ministri përgjegjës për çështjet e arsimit me nr. 6636/1 prot., datë 14.12.2014 dhe nr. 9095/1 prot., datë 14.12.2014.

2. Fakulteti i Mjekësisë, i Universitetit të Mjekësisë, Tiranë, të organizojë procesin e pranimi dhe të regjistrimit të kandidatëve në specializimet afatgjata në fushën e mjekësisë. Procesi monitorohet nga Ministria e Arsimit dhe Shkencës dhe Ministria e Shëndetësisë.

3. Kanë të drejtë të aplikojnë për programet e specializimeve afatgjata, në fushën e mjekësisë, kandidatët që:

a) Kanë përfunduar në Republikën e Shqipërisë me sukses studimet dhe janë pajisur me diplomën përkatëse, në një program të ciklit

të dytë “Master i shkencave” ose në një program të integruar të studimeve të ciklit të dytë “Master i shkencave”, në një universitet publik ose privat i akredituar në momentin e diplomimit të studentit, si dhe kanë fituar të drejtën e ushtrimit të profesionit në Republikën e Shqipërisë;

b) Janë diplomuar jashtë vendit në një program studimi të ciklit të dytë “Master i shkencave” ose në një program të integruar të studimeve të ciklit të dytë “Master i shkencave” dhe kanë kryer njësimin e diplomës pranë MAS-it, si dhe kanë fituar të drejtën e ushtrimit të profesionit në Republikën e Shqipërisë.

4. Për të aplikuar në programet e specializimit afatgjatë në “Kirurgji maksilo-faciale” dhe “Pedodonti”, kandidatët duhet të kenë përfunduar një program të integruar të studimeve të ciklit të dytë “Master i shkencave” në “Stomatologji”.

Për të aplikuar në programin e specializimit afatgjatë në “Shëndet publik”, kandidatët duhet të kenë përfunduar programin e studimeve të ciklit të dytë “Master i shkencave” në “Shëndet publik”.

Për të aplikuar në të gjitha programet e tjera specializuese, për të cilat janë parashikuar kuota në vendimin nr. 763, datë 12.11.2014, të Këshillit të Ministrave, “Për kuotat e pranimi dhe tarifat e shkollimit, në programet e specializimeve afatgjata, të ciklit të tretë të studimeve, në fushën e mjekësisë, për vitin akademik 2014-2015”, kandidatët duhet të kenë përfunduar një program të integruar të studimeve të ciklit të dytë “Master i shkencave” në “Mjekësi të përgjithshme”.

Të gjithë kandidatët duhet të plotësojnë kriteret e parashikuara në rregulloren përkatëse të specializimeve afatgjata në fushën e mjekësisë.

5. Kandidati paraqitet personalisht në Fakultetin e Mjekësisë për të bërë aplikimin dhe dorëzon dokumentacionin e mëposhtëm:

a) Formular aplikimi, sipas modelit të parashikuar në shtojcën nr. 1, bashkëlidhur këtij udhëzimi. Kandidati përcakton 3 preferenca në renditje preferenciale zbritëse për programin specializues afatgjatë për të cilin aplikon.

b) Një letër motivimi e aplikantit.

c) Fotokopje e dokumentit të identifikimit të vlefshëm, kartë identiteti ose pasaportë.

d) Kopje e noterizuar në Republikën e Shqipërisë e diplomës universitare, të programit të studimit të ciklit të parë “Bachelor”, si dhe të ciklit të dytë “Master i shkencave”, ose të programit të integruar të studimeve të ciklit të dytë, dhe listës/listave të notave. Për rastet e diplomave të huaja, paraqitet kopje e njësuar me originalin e vërtetimit të njohjes në Republikën e Shqipërisë, e shoqëruar me diplomën/diplomat dhe listën/listat përkatëse të notave ose të një

dokumenti tjetër të vlefshëm për regjistrimin në universitet, në vendin ku janë kryer studimet, të lëshuar nga institucioni i arsimit të lartë përkatës. Në rast se njohja e diplomës nuk ka përfunduar ende, kandidati paraqet vërtetim që ka dorëzuar dokumentacionin për njohje në MAS, dhe duhet të dorëzojë dokumentin e njohjes jo më vonë se data e parashikuar për testimin e informatizuar, si dhe përpara shpalljes së rezultatit përfundimtar nga Komisioni i Vlerësimit.

e) Kopje e noterizuar në Republikën e Shqipërisë e dokumentit që vërteton njohjen e gjuhës së huaj, sipas parashikimeve në rregulloren përkatëse të specializimeve afatgjata në fushën e mjekësisë.

f) Fotokopje e noterizuar në Republikën e Shqipërisë, e licencës për ushtrimin e profesionit në Republikën e Shqipërisë dhe e dëshmisë së regjistrimit në urdhrin profesional përkatës (nuk duhet dorëzuar nga kandidatët që aplikojnë në programin e specializimit në “Shëndet publik”).

g) Dëshmi penaliteti e vlefshme.

h) Mandatpagesa për tarifën e konkurrimit prej 5,000 lekësh.

i) Kandidatët që aplikojnë për kuotat e Ministrisë së Drejtësisë, Ministrisë së Mbrojtjes dhe Ministrisë së Punëve të Brendshme, dorëzojnë një letër mbështetëse të ministrisë përkatëse.

j) Dy foto personale.

6. Dekanati brenda datës 15 dhjetor 2014, shpall në faqen zyrtare *web* të fakultetit dhe/ose UMT-së, listën emërore të kandidatëve të regjistruar për konkurrim, të cilët plotësojnë kriteret për të marrë pjesë në procesin e konkurrimit për programet specializuese afatgjata për të cilat kanë aplikuar. Brenda kësaj date, dekanati shpall dhe kalendarin e zhvillimit të intervistave me gojë dhe testimit të informatizuar. Datat e zhvillimit të testimit të informatizuar konsultohen me AKP-në lidhur me disponibilitetin për zhvillimin e testimit të informatizuar. Listat e studentëve, të ndara sipas datave përkatëse të zhvillimit të intervistës me gojë dhe në vijim të testimit të informatizuar, përcaktohen me short. Listat përfundimtare dhe kalendarin e zhvillimit të testimit të informatizuar i dërgohen AKP-së dhe MAS-it brenda kësaj date sipas formatit të përcaktuar paraprakisht nga AKP-ja. Kandidatët duhet të kryejnë intervistën me gojë dhe më pas testimin e informatizuar.

7. Konkurrimi fillon në datën 19 dhjetor 2014, me intervistimet me gojë. Dekanati ngre brenda datës 19 dhjetor 2014 komisionet e intervistave dhe komisionin e vlerësimit. Kombinimi i listës së studentëve që do të intervistohen në një datë të caktuar, me një nga

komisionet e intervistës, të ngritura, përcaktohet me short një orë përpara zhvillimit të intervistës dhe i komunikon kryetarëve të komisioneve përkatëse, para fillimit të intervistës, listën e studentëve që do të intervistojnë. Për hedhjen e shortit, dekanati ngre një komision të posaçëm.

8. Komisionet e intervistës, pas aprovimit nga dekanati, shpallin rezultatet përfundimtare të intervistës me gojë në faqen *web* të fakultetit përkatës dhe UMT-së, si dhe në ambientet e fakultetit dhe rektoratit brenda 2 ditëve pune nga përfundimi i intervistës me gojë.

9. Testimi i informatizuar fillon në datën 22 dhjetor 2014, për kandidatët që kanë kryer intervistën me gojë, dhe zhvillohet në Agjencinë Kombëtare të Provimeve (AKP) sipas kalendarit të përcaktuar nga dekanati, bazuar në disponibilitetin e ambienteve të testimit, të përcaktuara nga AKP-ja.

10. Ditën e zhvillimit të provimit, kandidatët duhet të kenë parasysh rregullat e mëposhtme:

a) të jenë të pajisur me dokument identiteti (kartë identiteti ose pasaportë), si dhe me një fotokopje të saj;

b) të paraqiten së paku 30 minuta përpara fillimit të provimit/testimit;

c) ndalohet mbajtja dhe përdorimi i celularëve dhe mjeteve të tjera të komunikimit gjatë zhvillimit të provimit, pasi kjo vlerësohet si kriter skualifikimi;

d) ndalohet duhani dhe konsumimi i ushqimit në mjediset e provimit;

e) ndalohet komunikimi gjatë zhvillimit të provimit.

Sallat e provimit mbikëqyren nga një ose më shumë administratorë, të cilët janë përgjegjës për mbarëvajtjen e provimit/testimit sipas përcaktimeve në rregulloren përkatëse të specializimeve dhe këtij udhëzimi.

11. Agjencia Kombëtare e Provimeve si autoritet në varësi të Ministrisë së Arsimit dhe Sportit, është përgjegjëse për zhvillimin e provimeve të specializimit në mjekësi.

AKP-ja zbaton procedurat për zhvillimin e provimeve të specializimit, përmes teknologjisë digjitale.

AKP-ja, lidhur me zhvillimin e provimeve të specializimit, kryen detyrat e mëposhtme:

a) Digjitalizon fondin e pyetjeve për çdo specialitet të miratuar nga komisioni i vlerësimit;

b) Harton në bashkëpunim me Fakultetin e Mjekësisë të Universitetit të Mjekësisë, Tiranë, grafikun e datave të provimeve;

c) Publikon listat e kandidatëve sipas datës dhe orarit të caktuar për zhvillimin e provimit;

d) Verifikon identitetin dhe dokumentet përkatëse të kandidatëve pjesëmarrës në

provimet e specializimit;

e) Siguron kushte të përshtatshme në sallat e provimit për zhvillimin e provimit të specializimit përmes teknologjisë digjitale;

f) Siguron kushte të përshtatshme për kandidatët me aftësi të kufizuara fizike;

g) Merr masa për hartimin e formatit të testit, sipas përcaktimit të bërë nga komisioni i vlerësimit;

h) Mban procesverbale për çdo vendimarrje gjatë procedurave të zhvillimit të provimeve të specializimit, deri në shpalljen e rezultateve;

i) Dërgon rezultatet e provimit të specializimit, pranë Universitetit të Mjekësisë, Tiranë.

12. Në përfundim të testimit të të gjithë kandidatëve, komisioni i vlerësimit përgatit listën përmblledhëse të meritës me rezultatet kumulative të intervistës, testimit të informatizuar dhe notës mesatare, duke renditur kandidatët për çdo program specializimi afatgjatë, sipas tipologjisë së kuotave të miratuara, sipas tabelës së paraqitur në shtojcën 3 bashkëlidhur, si edhe asiston në zgjedhjen e specialitetit përkatës nga kandidatët. Tabela më sipër miratohet nga dekani dhe shpallet dhe afishohet në vende të dukshme, brenda 5 ditëve nga përfundimi i testimit të informatizuar, në mjediset e njësive kryesore përkatëse, si dhe në faqet *web* të Fakultetit të Mjekësisë dhe UMT-së, të ndarë sipas programeve të studimit përkatës, të renditur sipas rendit zbritës të pikëve të grumbulluara nga aplikantët. Vlerësimi me pikë i kandidatëve bëhet konform rregullores përkatëse të specializimeve afatgjata në fushën e mjekësisë.

13. Zgjedhja e programit të specializimit afatgjatë nga ana e kandidatit bëhet brenda dy ditëve nga shpallja e rezultateve përfundimtare, përfshirë dhe procedurat e ankimimit sipas afateve të përcaktuara në rregulloren e specializimeve. Të drejtën e regjistrimit si fitues e kanë aq persona sa janë edhe kuotat e caktuara në programin e specializimit përkatës, përfshirë edhe rrethin përkatës, sipas rendit zbritës të pikëve totale.

14. Zgjedhja e specializimit dhe rrethit (për kuotat e mbuluara nga Ministria e Shëndetësisë), bëhet në mënyrë transparente, nga vetë kandidatët fitues, sipas rendit zbritës të pikëve në listën përfundimtare të specialitetit përkatës, të ndërtuar në bazë të pikëve të fituara nga çdo kandidat, si dhe në përputhje me kuotat e VKM-së përkatëse, në prani të komisionit të vlerësimit, të drejtuar nga dekani ose përfaqësuesi i tij, me praninë e të interesuarve (në grupe me nga 5 konkurrues).

15. Regjistrimi i kandidatëve në programet e

specializimit afatgjatë, ku janë shpallur fitues, bëhet brenda 7 ditëve nga data e përzgjedhjes së specializimit.

16. Kanë të drejtë të aplikojnë për transferim të studimeve në një program studimi specializimi afatgjatë, të njëjtë ose të ngjashëm, në zbatim të germës “c”, të pikës 1, të vendimit nr. 763, datë 12.11.2014, të Këshillit të Ministrave, “Për kuotat e pranimit dhe tarifat e shkollimit, në programet e specializimeve afatgjata, të ciklit të tretë të studimeve, në fushën e mjekësisë, për vitin akademik 2014-2015”, kandidatët që janë duke ndjekur një program specializues afatgjatë, të akredituar brenda ose jashtë vendit, në momentin e transferimit, në një institucion të arsimit të lartë të akredituar.

Kandidati, në momentin e aplikimit, veç sa është parashikuar në pikën 5, të këtij udhëzimi, dorëzon dhe kopje të noterizuar të dokumentacionit, si më poshtë:

a) Planin e plotë të programit të studimit specializues të ndjekur;

b) Vërtetim të listës së notave dhe krediteve të fituara për çdo lëndë dhe detyrim të shlyer, si dhe syllabuset përkatëse për lëndët e shlyera, i cili do të shërbejë për ekuivalentimin e notave të lëndëve të programit të studimit të ndjekur;

c) Vërtetim për periudhat e praktikave dhe frekuentimin e aktiviteteve të parashikuara në programin specializues të ndjekur.

Në momentin e regjistrimit përfundimtar, nëse kandidati është shpallur fitues, dorëzon vërtetimin e çregjistrimit nga programi i mëparshëm specializues, pa të cilin nuk mund të kryhet regjistrimi i studentit. Në mungesë të regjistrimit të studentëve fitues, e drejta e regjistrimit i lind kandidatit të renditur më poshtë në listën e kandidatëve fitues. Regjistrimi mbyllet në çdo rast brenda afateve të përcaktuara në këtë udhëzim.

17. Kandidati transferohet në vit të parë ose të dytë, por jo më lart se viti i dytë i studimeve. Komisioni i vlerësimit shqyrton para fillimit të procesit të konkurrimit, kreditet e përfituara gjatë studimeve të mëparshme nga kandidatët dhe përcakton vitin se ku mund të transferohet eventualisht kandidati, bazuar në këtë shqyrtim paraprak, si dhe kreditet eventuale të njohura.

Në vijim, nëse numri i kandidatëve që kanë aplikuar është më i madh se numri i kuotave të përcaktuara në vendimin përkatës të Këshillit të Ministrave për kuotat e transferimeve, kandidatët i nënshtrohen procedurave të konkurrimit si të gjithë kandidatët e tjerë, duke konkurruar brenda numrit të kuotave të përcaktuara për transferimet.

Në përfundim të konkurrimit, komisioni i

vlerësimit përlogarit pikët totale të kandidatit, duke marrë në konsideratë intervistën me gojë, testimin e informatizuar dhe notën mesatare të ponderuar të studimeve universitare të mëparshme (programit të ciklit të parë dhe ciklit të dytë “Master i shkencave”, ose programit të integruar të studimeve të ciklit të dytë “Master i shkencave”). Komisioni përgatit një listë me kandidatët e renditur sipas pikëzimit sipas shtojcës 4 bashkëlidhur këtij udhëzimi dhe e dërgon për miratim në MAS brenda pesë ditëve pune nga përfundimi i testimit të informatizuar. Së bashku me listën dërgohet në MAS dhe kërkesa për shpërndarjen e kuotave të transferimeve me kapacitetet pritëse përkatëse.

MAS-i shqyrton dokumentacionin e dërguar dhe miraton kandidatët për transferim të studimeve brenda 5 ditëve pune nga marrja e dokumentacionit përkatës.

Regjistrimi i kandidatëve që transferohen në programet e specializimit afatgjatë, ku janë shpallur fitues, zhvillohet brenda afateve të përcaktuara me shkresën përkatëse nga MAS-i.

18. Brenda 5 ditëve punë nga regjistrimi i kandidatëve fitues, UMT-ja i dërgon AKP-së, në rrugë postare, listën e studentëve specializantë të regjistruar, në formë shkresore dhe elektronike në format Excel, me qëllim pajisjen me numër matrikullimi në zbatim të udhëzimit nr. 45, datë 19.12.2011, i ndryshuar. Për të gjithë emrat e studentëve të dërguar pas kësaj date, nuk do të procedohet me dhënien e numrave të matrikullimit dhe do të kërkohet nga AKP-ja çregjistrimi i tyre.

19. Kandidati nuk mund të ndjekë njëkohësisht dy programe studimi në IAL-në publike dhe/ose private. AKP-ja pas verifikimit i kërkon IAL-së ta çregjistrojë atë.

20. Për specializantët që kanë përfutur nga kuotat e mbuluara nga Ministria e Shëndetësisë apo nga ministri të tjera, marrëdhëniet kontraktuale financiare lidhen mes specializantit dhe ministrisë përkatëse.

21. Për të gjitha çështjet që nuk trajtohen në këtë udhëzim, për referencë merret rregullorja e specializimeve afatgjata në fushën e mjekësisë e miratuar nga ministri përgjegjës për çështjet e arsimit dhe ministri përgjegjës për çështjet e shëndetësisë.

22. Ngarkohet sekretari i përgjithshëm, Drejtoria e Arsimit të Lartë dhe Shkencës, në Ministrinë e Arsimit dhe Sportit, Agjencia Kombëtare e Provimeve, si dhe Universiteti i Mjekësisë, Tiranë, për zbatimin e këtij udhëzimi.

Ky udhëzim hyn në fuqi menjëherë dhe botohet në Fletoren Zyrtare.

FORMULAR APLIKIMIUnë i/e nënshkruari/a _____, lindur më _____
emri atësia mbiemri

në _____, Vendbanimi _____

me kartë identiteti/pasaportë nr. _____

Adresa _____

Tel _____, Cel _____, E-mail _____

KËRKOJ:

Të aplikoj për të vazhduar Specializimin Afatgjatë në:

1. _____, ID ____ Duke përfituar nga (të shënohet me "x" vetëm një nga alternativat e mëposhtme):
 - ☐ Kuotat e mbuluara nga Ministria e Shëndetësisë
 - ☐ Kuotat e e lira të pambuluara nga Ministria e Shëndetësisë
 - ☐ Kuotat e Ministrive të tjera dhe specifikisht të Ministrisë së _____
 - ☐ Kuotat e trojeve, specifikisht të _____
2. _____, ID ____ Duke përfituar nga (të shënohet me "x" vetëm një nga alternativat e mëposhtme):
 - ☐ Kuotat e mbuluara nga Ministria e Shëndetësisë
 - ☐ Kuotat e e lira të pambuluara nga Ministria e Shëndetësisë
 - ☐ Kuotat e Ministrive të tjera dhe specifikisht të Ministrisë së _____
 - ☐ Kuotat e trojeve, specifikisht të _____
3. _____, ID ____ Duke përfituar nga (të shënohet me "x" vetëm një nga alternativat e mëposhtme):
 - ☐ Kuotat e mbuluara nga Ministria e Shëndetësisë
 - ☐ Kuotat e e lira të pambuluara nga Ministria e Shëndetësisë
 - ☐ Kuotat e Ministrive të tjera dhe specifikisht të Ministrisë së _____
 - ☐ Kuotat e trojeve, specifikisht të _____

Në momentin e paraqitjes së kësaj kërkesë, nën përgjegjësinë time ligjore,

DEKLAROJ se:

- Zotëroj:
 - ☐ Diplomë të Integruar të Ciklit të Dytë "Master i Shkencave" në _____, lëshuar nga IAL _____, Shteti _____
 - ☐ të njohur në RSH (për diplomat e huaja)

- ☐ Diplomë të Ciklit të Dytë “Master i Shkencave” në _____, lëshuar nga IAL _____, Shteti _____
- ☐ të njohur në RSH (për diplomat e huaja)
- Kam notë mesatare të të gjithë viteve të studimeve universitare (cikli I parë+cikli I dytë ose diplomë e integruar e ciklit të dytë) _____ (me dy shifra të rrumbullakosura pas presjes dhjetore).
 - Nuk jam duke kryer dhe nuk kam kryer më parë një program specializimi afatgjatë në fushën e mjekësisë.
 - Zotëroj gjuhën/t e huaj/a më poshtë:
 - ☐ Angleze, niveli _____
 - ☐ Italiane, niveli _____
 - ☐ Frënge, niveli _____
 - ☐ Gjermane, niveli _____
 - ☐ Spanjolle, niveli _____
 - Bashkëlidhur këtij formulari kam dorëzuar:
 - ☐ Letër motivimi.
 - ☐ Fotokopje e dokumentit të identifikimit të vlefshëm, kartë identiteti ose pasaportë.
 - ☐ Kopje e njëzuar me origjinalin në Republikën e Shqipërisë e diplomës universitare, të programit të studimit të ciklit të parë “Bachelor” si dhe të ciklit të dytë “Master i Shkencave”, ose të programit të integruar të studimeve të ciklit të dytë, dhe listës/listave të notave. Për rastet e diplomave të huaja paraqitet kopje e njëzuar me origjinalin e vërtetimit të njohjes në Republikën e Shqipërisë, e shoqëruar me diplomën/diplomat dhe listën/listat përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet, të lëshuar nga institucioni i arsimit të lartë përkatës.
 - ☐ Për rastet e diplomave të huaja kopje e njëzuar me origjinalin e vërtetimit të njohjes në Republikën e Shqipërisë e shoqëruar me diplomën dhe listën përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet të lëshuar nga Institucioni i arsimit të lartë përkatës.
 - ☐ Vërtetim që kam dorëzuar dokumentacionin për njohje në MAS (nëse procesi i njohjes nuk ka përfunduar ende)¹.
 - ☐ Kopje e njëzuar me origjinalin në Republikën e Shqipërisë e dokumentit/eve që vërteton/jnë njohjen e gjuhës së huaj/gjuhëve të huaja.
 - ☐ Fotokopje e noterizuar e licencës për ushtrimin e profesionit në Republikën e Shqipërisë.
 - ☐ Fotokopje e noterizuar e dëshmisë së regjistrimit në Urdhrin Profesional përkatës në Republikën e Shqipërisë.
 - ☐ Dëshmi penaliteti e vlefshme.
 - ☐ Letër mbështetëse nga Ministria përkatëse.
 - ☐ Mandat pagesën për konkurrimin prej 5,000 lekë (e cila është e pakthyeshme)
 - ☐ Dy foto personale.
 - Deklaroj se jam në dijeni të faktit se në përfundim të procesit të konkurrimit dhe përpara regjistrimit përfundimtar në specializimin afatgjatë nënshkruhet kontrata përkatëse, në rastet kur përfitohet një kuotë specializimi e mbuluar nga Ministria e Shëndetësisë apo Ministrinë e tjera, e cila ka detyrime për angazhimin pas përfundimit të specializimit në vendin e përcaktuar në kontratë dhe për një kohëzgjatje në përputhje me kontratën. Mosrespektimi i kësaj kontrate ka penalitetet përkatës të parashikuara në kontratën e lidhur mes palëve.

¹ Dokumenti i njohjes duhet të dorëzohet jo më vonë se data e parashikuar për testimin e informatizuar, si dhe përpara shpalljes së rezultatit përfundimtar nga Komisioni i Vlerësimit.

- Autorizoj UMT, Ministrinë e Arsimit dhe Sportit, Ministrinë e Shëndetësisë dhe Agjencinë Kombëtare të Provimeve për trajtimin e të dhënave të mia personale në kuadër të aplikimit dhe regjistrimit për vazhdimin e studimeve specializuese, si dhe publikimin eventuale të tyre.
- Autorizoj, gjithashtu, Ministrinë e Arsimit dhe Sportit dhe Agjencinë Kombëtare të Provimeve për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam aplikuar për t'u regjistruar, periudhën e studimeve të kryera më parë, dhe çdo lloj verifikimi tjetër që lidhet me sa më sipër.
- Deklaroj se nuk kam aplikuar për t'u regjistruar në asnjë institucion tjetër të arsimit të lartë, për vitin akademik 2014-2015.
- Deklaroj se nuk po ndjek ndonjë program tjetër studimi në institucione të tjera të arsimit të lartë, dhe se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
- Deklaroj se jam njohur me rregulloren e specializimeve afatgjata në fushën e mjekësisë dhe jam i qartë për procedurat e aplikimit dhe konkurrimit, si dhe plotësoj kriteret e parashikuara në rregulloren e sipërcituar si dhe Vendimin përkatës të Këshillit të Ministrave.
- Deklaroj vërtetësinë e të dhënave dhe dokumenteve të paraqitura. Jam i vetëdijshëm se, në rast deklarimi të të dhënave të pavërteta apo të paraqitjes së dokumentave të falsifikuar apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, Ministria e Arsimit dhe Sportit dhe/ose Agjencia Kombëtare e Provimeve dhe/ose UMT nisin procedurën e kontrollit të tyre duke ia përcjellë këto të dhëna eventualisht edhe organeve kompetente.

Emër Atësi Mbiemër

i kandidatit

Firma

Emër Mbiemër

i punonjësit të ngarkuar për pranimin e aplikimit

Firma

Vendi: _____

Data: ____ . ____ . _____, ora _____

FORMULAR APLIKIMI (Për transferimet)Unë i/e nënshkruari/a _____, lindur më _____
emri atësia mbiemri

në _____, Vendbanimi _____

me kartë identiteti/pasaportë nr. _____

Adresa _____

Tel _____, Cel _____, E-mail _____

KËRKOJ:

Të transferohem për të vazhduar Specializimin Afatgjatë në:

1. _____, ID _____
2. _____, ID _____
3. _____, ID _____

Në momentin e paraqitjes së kësaj kërke, nën përgjegjësinë time ligjore,

DEKLAROJ se:

- Zotëroj:
 - ☐ Diplomë të Integruar të Ciklit të Dytë “Master i Shkencave” në _____, lëshuar nga IAL _____, Shteti _____
 - ☐ të njohur në RSH (për diplomat e huaja)
 - ☐ Diplomë të Ciklit të Dytë “Master i Shkencave” në _____, lëshuar nga IAL _____, Shteti _____
 - ☐ të njohur në RSH (për diplomat e huaja)
- Kam notë mesatare të të gjithë viteve të studimeve universitare (cikli I parë+cikli I dytë ose diplomë e integruar e ciklit të dytë) _____ (me dy shifra të rrumbullakosura pas presjes dhjetore).
- Po ndjek programin specializues afatgjatë në _____
Pranë IAL-së _____, shteti _____
- Zotëroj gjuhën/t e huaj/a më poshtë:
 - ☐ Angleze, niveli _____
 - ☐ Italiane, niveli _____
 - ☐ Frënge, niveli _____
 - ☐ Gjermane, niveli _____
 - ☐ Spanjolle, niveli _____
- Bashkëlidhur këtij formulari kam dorëzuar:
 - ☐ Letër motivimi.

- Fotokopje e dokumentit të identifikimit të vlefshëm, kartë identiteti ose pasaportë.
 - Kopje e njësuar me origjinalin në Republikën e Shqipërisë e diplomës universitare, të programit të studimit të ciklit të parë “Bachelor” si dhe të ciklit të dytë “Master i Shkencave”, ose të programit të integruar të studimeve të ciklit të dytë, dhe listës/listave të notave. Për rastet e diplomave të huaja paraqitet kopje e njësuar me origjinalin e vërtetimit të njohjes në Republikën e Shqipërisë, e shoqëruar me diplomën/diplomat dhe listën/listat përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet, të lëshuar nga institucioni i arsimit të lartë përkatës.
 - Për rastet e diplomave të huaja kopje e njësuar me origjinalin e vërtetimit të njohjes në Republikën e Shqipërisë e shoqëruar me diplomën dhe listën përkatëse të notave ose të një dokumenti tjetër të vlefshëm për regjistrimin në Universitet në vendin ku janë kryer studimet të lëshuar nga Institucioni i arsimit të lartë përkatës.
 - Vërtetim që kam dorëzuar dokumentacionin për njohje në MAS (nëse procesi i njohjes nuk ka përfunduar ende)².
 - Kopje e njësuar me origjinalin në Republikën e Shqipërisë e dokumentit/eve që vërteton/jnë njohjen e gjuhës së huaj/gjuhëve të huaja.
 - Fotokopje e noterizuar e licencës për ushtrimin e profesionit në Republikën e Shqipërisë.
 - Fotokopje e noterizuar e dëshmisë së regjistrimit në Urdhrin Profesional përkatës në Republikën e Shqipërisë.
 - Dëshmi penaliteti e vlefshme.
 - Letër mbështetëse nga Ministria përkatëse.
 - Mandat pagesën për konkurrimin prej 5,000 lekë (e cila është e pakthyeshme)
 - Dy foto personale.
 - Planin e plotë të programit të studimit specializues të ndjekur;
 - Vërtetim të listës së notave dhe krediteve të fituara për çdo lëndë dhe detyrim të shlyer, si dhe syllabuset përkatëse për lëndët e shlyera i cili do të shërbejë për ekuivalentimin e notave të lëndëve të programit të studimit të ndjekur;
 - Vërtetim për peridhat e praktikave dhe frekuentimin e aktiviteteve të parashikuara në programin specializues të ndjekur.
- Deklaroj se jam në dijeni të faktit se në përfundim të procesit të konkurrimit dhe përpara regjistrimit përfundimtar në specializimin afatgjatë nënshkruhet kontrata përkatëse, në rastet kur përfitohet një kuotë specializimi e mbuluar nga Ministria e Shëndetësisë apo Ministrinë e tjera, e cila ka detyrime për angazhimin pas përfundimit të specializimit në vendin e përcaktuar në kontratë dhe për një kohëzgjatje në përputhje me kontratën. Mosrespektimi i kësaj kontrate ka penalitetet përkatës të parashikuara në kontratën e lidhur mes palëve.
 - Autorizoj UMT, Ministrinë e Arsimit dhe Sportit, Ministrinë e Shëndetësisë dhe Agjencinë Kombëtare të Provimeve për trajtimin e të dhënave të mia personale në kuadër të aplikimit dhe regjistrimit për vazhdimin e studimeve specializuese, si dhe publikimin eventuale të tyre.
 - Autorizoj, gjithashtu, Ministrinë e Arsimit dhe Sportit dhe Agjencinë Kombëtare të Provimeve për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam aplikuar për t’u regjistruar, periudhën e studimeve të kryera më parë, dhe çdo lloj verifikimi tjetër që lidhet me sa më sipër.
 - Deklaroj se nuk kam aplikuar për t’u regjistruar në asnjë institucion tjetër të arsimit të lartë, për vitin akademik 2014-2015.
 - Deklaroj se jam në dijeni se para regjistrimit përfundimtar duhet të paraqes dokumentin e çregjistrimit nga programi specializues afatgjatë që jam duke ndjekur dhe se mosparaqitja e dokumentit të çregjistrimit nuk lejon regjistrimin përfundimtar në programin specializues kukam aplikuar. Deklaroj se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.

² Dokumenti i njohjes duhet të dorëzohet jo më vonë se data e parashikuar për testimin e informatizuar, si dhe përpara shpalljes së rezultatit përfundimtar nga Komisioni i Vlerësimit.

- | | |
|------------------------------------|---|
| Emër Atësi Mbiemër
i kandidatit | Emër Mbiemër
i punonjësit të ngarkuar për pranimin e aplikimit |
| Firma | Firma |

[illegible][illegible]

